


步天歌
算

步天歌



角二星十二度 對奎 天秤宮 辰地 鄭之分

兩紅南北正直着 中有平道上天田

總是黑星兩相連 別有一鳥名進賢

平道右畔獨淵然 最上三星周鼎形

角下天門紅左平

雙雙橫於庫樓上


庫樓十紅屈曲明

樓中五柱十五星

三三相屬如鼎形

中有四赤別名衡

南門樓外兩星橫



亢四星九度

對婁

天秤宮

辰地

鄭之分

四紅却似彎弓狀

大角一紅直上明

折威七黑亢下橫

大角左右攝提星


三三赤立如鼎形

折威下左頓頑星

兩箇斜安黃色精

頑下二星號陽門

色若頓頑直下蹲



氏四星十五度 對胃 天蝎宮 卯地 宋之分

四紅似斗側量米

天乳氏上黑一星

世人不識稱無名

一赤招搖梗河上

梗河橫列三星狀

帝席三黑河之西

亢池六黑近攝提

氐下衆星騎官赤

騎官之星二十七

三三相連十欠一

陣車三黑氐下是

車騎三烏官下位

天輻兩黃立陣傍

將軍陣裏振威霜



房四星五度

對昴

天蝎宮

卯地

宋之分

四紅直下主明堂

鍵閉一黃斜向上


鈞鈴兩赤近其旁

罰有三黃植鍵上

兩咸夾罰似房狀

房下一鳥號為日

從官兩黃日下出



心三星五度

對畢

天蝎宮

卯地

宋之分

三星中央赤最深

下有積卒紅十二

三三相聚心下是

尾九星十八度

對嘴人馬宮

寅地 燕之分

九赤如鈎蒼龍尾

下頭五赤號龜星



尾上天江四紅是

尾東一赤名傳說

傳說東紅一魚子

龜西一赤是神宮

所以列在后如中



○糖




燕之分

四紅其狀似簍箕

箕下三紅名木杵

箕前一黑是糠皮



斗六星二十六度

四分度之一

對井

磨蝎宮

丑地 吳之分

六紅其狀似北斗

魁上立紅三相對

天弁立上三紅九

斗下圓紅十四星

雖然名鼈貫索形

天鷄立背雙黑星

天鑰柄前八黃精


狗國四烏鷄下生

天淵十黃鼈東邊

更黑兩狗斗魁前

農家丈黑狗下眠

天淵十黃狗色玄



牛六星八度

對鬼

磨蝎宮

丑地

吳之分

六紅近在河崖頭

頭上雖然有兩角

腹下從來欠一脚

牛下九黑是天田

田下三三九坎連

牛上三紅彌河鼓

鼓上三紅是織女

左旗右旗各九星

河鼓兩畔右紅明

更有四黃名天棓

河鼓直下如連珠


羅堰三烏牛東居

漸臺四黑似口形

輦道東足連五丁

輦道漸臺在何許

欲得見時近織女



女四星十二度 對柳 寶鉞宮 子地 齊之分

四紅如箕主嫁娶 十二諸國在下陳

先從越國向東論 東西兩周次二秦

雍州南下雙鴈門 代國向西一晉仲

韓魏各一晉北輪 楚之一國魏西屯

楚城南畔獨燕軍

燕西一郡是齊隣

齊北兩邑乃趙垠

欲知鄭在越下存

十六黃星細區分

五點離珠女上橫

敗爪之上斃爪生


兩星各五斃爪明

天津九赤彈弓形

兩星入牛河中橫

四黃奚仲天津上

七鳥仲側扶筐星




虛二星十度 對星 寶餅宮 子地 齊之分

上下各一如連珠 命祿危非虛上呈

虛危之下哭泣星 哭泣雙七下壘城

天壘圓黃十三星 敗白四星城下橫

白西三點離瑜明



危三星十七度 對張 寶餅宮 子地 齊之分

三星不直舊先知 危上五黑彌人星

人畔三四杵臼形

人上七烏彌車府

府上天鉤九黃精

鉤上五黑字造父

危下四紅彌墳墓

墓下四黃斜虛梁

十箇天錢梁下黃

墓傍兩星名蓋屋

身著黑衣危畔宿

天淵

北海門

鐵鏡

馬座

雷震


離宮六

騰蛇三

羽林四十五

金魁

過陳十三



室二星十六度 對翼 雙魚宮 亥地 衛之分

兩紅上有離宮出 透室三雙共六星

下頭六黑雷電形 壘壁陳次十二星

兩頭如升陳下分 陳下分明羽林軍


四十五卒三為群 壁西西下最難論

字細歷歷看區分 三粒黃金名鉄鉞

一顆明珠北落門 門東八魁九黑子

門西一宿天綱是 電傍兩黑土公吏

騰蛇室上二十二



壁二星九度

對軫

雙魚宮

亥地

衛之分



兩紅下頭是霹靂

霹靂五烏拱着行

雲雨次之口四方

壁上天魁十圖黃

鉄鑽五烏羽林傍



奎十六星十六度

對角

白羊宮

戌地

魯之分

腰細頭尖似破鞋

一十六紅遠鞋生

外屏七烏奎下橫

屏下七烏天淵明

司空左畔土之精


奎上一黑軍南門

河中六赤閣道形

附路一赤道傍明

五紅吐花王良星

王良追上一策名




婁三星十二度 對亢 白羊宮 戌地 魯之分

三紅不均近一頭 左梗右梗烏夾婁

天倉六赤婁下頭 天廩三烏倉東脚

婁上十一將軍侯



胃三星十四度 對氐 金牛宮 酉地 趙之分

三紅鼎足河之次

天廩胃下斜四星


天囷十三如乙形

河中八赤名大陵

陵北九赤天船名

陵中積尸一黑星

積水船中一黑精



昂七星十一度 對房 金牛宮 酉地 趙之分

七紅一聚實不少 阿西月東各一星

月下五黃天陰明 陰下六烏菊葉營

營南十六天苑形 河裏六紅名卷舌

舌中一黑天諱星 礪石舌傍斜四丁


畢八星十六度

對心

金牛宮

酉地

趙之分



恰似爪又八紅出

附耳畢股一星光

天街兩星畢背傍

天節耳下八烏幢

畢上橫黑六諸王

王下四皂天高星

節下黑團九州城

畢口斜對五車面

車有三柱任縱橫

車中五點天潢明

潢上咸池三黑星


天關一赤車脚邊

參旗九赤參車間

旗下直立九杵連

杵下十三烏天團

九杵天團參脚邊




觜三星二度 對尾 陰陽宮 申地 晉魏之分

三紅相近作參藥 觜上坐旗烏指天

尊卑之位九相連 司恠四黑坐旗邊

曲立大近井戟前




○天矢一

參十星九度 對箕 陰陽宮 申地 晉魏之分

總有十星此甬相侵
伐有三星腹裏深
屏星兩赤井南襟
左足四赤天廁臨

兩肩雙足三為心
玉井四紅右足陰
軍井四鳥屏上吟
廁下一赤天屎沉



井八星三十三度

對斗

巨蟹宮

未地秦之分

八紅橫列河中淨

一紅名鉞井邊安

兩河各三南北正

天樽三鳥井上頭

樽上橫列五諸侯

侯上北河西積水

欲覓積薪東畔是

鉞下四鳥名水府

水位東邊四紅是

四瀆橫黑南河裏

南河下頭是軍市

軍市圓紅十三星

中有一赤野鷄精

孫子丈人市下列

各立兩鳥從東設

關丘二黑南河東





立下一狼光蒙茸

左畔九赤彎弧弓

一矢擬射頑狼胷

有箇老人南極中

春秋出入壽無窮



鬼五星四度

對牛

巨蟹宮

未地

秦

四紅冊方似木櫃

中央一白積尸氣


鬼上四鳥是燿位

天狗七鳥鬼下是

外厨天間柳星次

天社六黑弧東倚

社東一鳥是天紀



柳八星十五度

對女

獅子宮


午地

周之分

八紅曲頭似垂柳

柳上三鳥蹄為酒

享宴大酺五星守




星七 星七度 對虛 獅子宮 午地 周之分

七紅如鈎柳下生 星上十七軒轅形

軒轅東頭四內平 平下三黃名天相

相下稷星橫五靈



張六星十八度

對危

獅子宮

午地

周之分

六紅似軫在星傍


張下只是有天廟

十四之星冊四方

長垣少微雖向上

星數歌在太微傍

太尊一星直上黃



翼二十二星十八度

對室雙女宮 巳地 楚之分

二十二紅大難識

上五下五橫著行

中間六點恰如張

更有六星在何許


三三相連張畔附

必若不能分處所

更請向前看野取

五箇黑星翼下頭

要知名字是東區



軫四星十七度 對壁 雙女宮 巳地 楚之分


四紅如張翼相近 中央一赤長沙子

左轄右轄附兩星 軍門兩黃近翼是

門下四黃土司空 門東七烏青丘子

青丘之下名器府
已上便為太微宮

鬼府黑星三十二
黃道向上看取是



太微垣

上元太微宮

昭昭列象布蒼空

端門只是門之中

左右執法門西東

門左一皂乃謁者

以次即是烏三公

三黑九卿公背傍

五黑諸侯卿後行

四赤門西主軒屏

五帝內坐於中正

幸臣太子并從官

烏列帝後陳東定

即將虎賁居左右

常陳郎位居其後

常陳七星不相誤

郎位陳東赤十五

兩面宮垣十紅布

左右執法是其所

東垣上相次相陳

次將上將相連明

西面垣牆依此數

但將上將逆南去

宮外明堂布政宮

三黑靈臺候雲雨

少微四赤西南隅

長垣雙雙微西居

北門西外接三台

與垣相對無兵災



紫微垣

中元北極紫微宮

北極五星在其中

大帝之坐第二珠

第三之星庶子居

第一却彌為太子

四為後宮五天樞

左右四星是四輔

天一太一當門路

左樞右樞夾南門

兩面營衛一十五

上宰少宰上輔星

少輔上衛少衛丞

相對垣西上丞位

少衛方當上衛明

次第相連於少輔

上輔少尉接樞戶

陰德門裏兩黃星

尚書以次其位五

女史柱史各一戶

御女四黃五天柱

大理兩烏陰德邊

勾陳尾指北極顛

勾陳六星六甲前

天皇獨坐勾陳裏

五帝內坐後門是

華蓋并杠十六星

杠作柄象蓋傘形

蓋上連連九黑星

名曰傳舍如連丁

垣外左右各六星

右是內階左天厨

階前八星名八穀

厨下五赤天棓宿

天床六烏左樞在

內厨兩黑右樞對

文昌斗上半月形

稀稀疎疎六箇星

文昌之上曰三師

太尊只向三師明

天宰六星太尊邊

太陽之守四勢前

一位相星太陽側

更有三公相西邊

杓上玄戈一紅圓

天倉三赤戈上懸

天理四烏斗裏暗

輔星近着閭陽淡

北斗之宿七星明

第一主帝名樞精

第二第三璇璣星

第四名權第五衡

閭陽搖光六七星



天市垣

下元一宮名天市

左右垣牆二十二

魏趙九河及中山

齊并吳越徐星是

却從東海至幽燕

漸歸南海宋門前

西門相對韓而楚

梁并巴蜀至秦蹕

東周鄭晉連相繼

河間直至河中止

當門六角黑市樓

門左兩黃是車肆

四赤宗人兩宗正

宗星一隻亦依此

帛度兩黃屠肆前

候星還在帝坐邊

帝坐一星常光明

四赤微茫宦者星

以次兩星名列肆

斛斗帝前依其次

斗是五星斛是四

垣北九赤貫索星

索口橫者七公星

天紀恰似七公形

數著分明多兩星

紀北三紅名女床

此坐還依織女旁

三元之象無相侵

二十八宿隨其陰

七政絡繹詳推尋

天河起沒

天河亦以名天漢

起自東方箕尾間

遂乃分為南北道

南經傳訖到魚淵

開鑰戴弁鳴河鼓

北經龜宿貫箕邊

次絡斗魁冒左旗

右合南道天津湄

二道相合西南行

分夾乾瓜絡人星

杵畔造父騰蛇精

王良附路閣道平

登此大陵泛天船

直到卷舌又南征

五車駕向北河南
水位過了東南游
天狗天紀與天稷

東井水位入吾鑿
經次南河向關丘
七星南畔天河沒

天歌終





